

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Icones sive imagines virorum literis illustrium

Reusner, Nikolaus

Argentorati, 1587

Ionnes Crato Archiater

[urn:nbn:de:bsz:31-271751](#)

IOANNES CRATO ARCHIA-
ter Cæsareus.



Me Cæsar medicum sibi legit tertius: alter
Ceu Phœbus, ratus sum, medicusq; potens.

M. D. XXCVL

IOANNES CRATO A CRAFT-
heim, Vratislaviæ, vrbe Silesiorum prima-
riæ, natus anno M. D^oXIX:

Præceptore vñus maximē in Germaniā Ph. Me-
lanthone, in Italiā lo. Baptista Montano
Medico excellentiss.

Optimus & Philosophus, & Medicus, neque
minus poëticā laude & literarum elegantiā
vehementer excellens:

Cuius summorum suæ ætatis vel ingenio, vel
dignitate, vel gratiā, vel fama po-
puli par:

Ferdinandi I. Maximil. II. Rodolphi II.
AVGGG. Consiliarius & Archia-
trus, per annos XXVI.

Politioris literaturæ Hierophantes:

Hygiae ac Panaceæ Mystes: Alter cœu Gale-
nus, & Hippocrates:

Vtroque Medicorum principe scriptis suis
egregiè illustrato clarus:

Propter insignem & elegantem doctrinam, cum
pari humanitate erga bonos & eruditos
coniunctam, carus omnibus,

ac venerandus:

Obiit Vratislauæ in patriâ fine beato & opta-
to, annum agens LXVII: anno Sal.
hum, M. D. XXCVI.

b ij

IN IOANNEM CRATONEM
Cæsar. Medicum.

IOANNIS POSTHII.

Cæsar is effigiem magni, effigiemq; Cratonis
Qui confert, similes protinus esse videt.
Quod si animum posset diuinum effingere pictor:
Idem, ut credibile est, plane vtriusque foret.

E I V S D E M.

Si, quibus est similis facies, similis quoq; mens est:
Cæsar is haud differt, & tua, docte Crato.

IOAN. BARTHOLOMAEI.

Prima tenet medicæ Crato iam subsellia classis:
Et talem meritò Cæsar is aula souet.

AEGID. PERIANDRI.

Qui flectit citharam, venit en manifestus Apollo:
Si de promit opem, fidus Apollo venit.

N. REVSNERI.

Laudibus es quamvis magnum super ether a notus.
Aeternumq; tuâ nomen ab arte geris:

Dum, veluti præstans Asclepius, arte medendi
Mortifer a relevas corpora multa lue.

Tu tamen & vatum studijs es fautor & auctor:
O Phœbi lumen, præsidiumq; Crato.

Et meritò: mentis prudentis acumine cernis:
Quod vivax virtus, carmine nota, manet:

Car-

*Carmina morte carēt, et carmine cognita virtus:
Carminibus regum viuit in orbe decus.
Perge precor Musis, Crato semper perge sauere:
Te quoque non paruum iam decus inde manet,*

E I V S D E M.

*Quò maior Cæsar, terrarum rector, habetur:
Hoc medicis reliquis tu Crato maior eras:
Cæsar is Archiater magni, non vnius: immò,
Proxima quos mundo secla tulere, trium.
Tantus eras medicā, Sophie tam clarus in arte:
Tamq; bonus melicā, quā medicā arte potens.
Cæsaribus potes ipse mederi: ritè mederi
Sed potes haud, quando mors venit atrā, tibi.
Mors equidem terram terrā, cœlestē sed infert,
Cœlo: fama tua laudis in orbe volat.*

CHRISTO VIVO SACRVM.

*Cæsaribus vixi tribus intimus arte medendr;
Me Pater asciuit, Filius, atque Nepos.
Quem mibi iactato das portum Christe quietis
Hunc teneo, iungas dum mea membratibi.*

Ioan. Crato.

b iiij